

Yungzsuij: Guh Doengznienz Caij Din Venz

Ndwen 5 ngoenz 1, dwg ngoenz daih' it ngoenzgyaj cietlauzdung "haj it", Liujcouh Si Yungzsuij Myauzcuz Sweiye Yungzsuij Cin Mbanjmun'vuh Mbanjmyauz banh aen hozdung "guh doengznienz", yienj boq venz、mangzhauh rag gyong、yienj bin byacax、max doxdik baenzroix hozdung, yinx ndaej hauilai bouxhek.

Ciuq cam rox, "guh doengznienz" dwg cungj fungsug Mbanjmyauz Yungzsuij ndeu, couhwdg hozdung caezangq baiqnienz mbanj caeuq mbanj doxndei haenx, gyoengqvunz doxheuh "doengznienz". Song mbiengj doxduenq, mbiengj ndeu iucingj mbiengj ndeu, mbiengj haenx moix ranz baij vunz gapbaenz doih "guh doengznienz", youz bouxgeq ndaw cug daiq doih, boq venz bae daengz mbanj banh hozdung baiqnienz. Doeklaeng, "guh doengznienz" cugyamq bienqbaenz gij hozdung caezangq mbanj minzcuz vunznoix Myauz、Yauz、Dung daengj, dangdieg heuhguh "guh lauxgeng", eiqsei dwg gyau baengzyoux、guh beixnuengx, seizneix gaenq baenz gij hozdung doxgyau daengxcungq lai aen minzcuz.

(Liu Swjyenh/廖子渊)



▲Gyoengq dahsau cingq diuqfoux.



▲Geij dahsau cingq boq venz.



▲Hagseng ndang daenj buhlaex guh aen yizsi swng geizguk.

Swng Geizguk Hoh "Haj It"

Ndwen 5 ngoenz 1, youq Liujcouh Si Yungzanh Yen Cangzanh Gvangicangz, hagseng ndang daenj buhlaex guh gij laex swng geizguk. Ngoenzhaenx dwg cietlauzdung gozci "haj it", Yungzanh Yen guh aen yizsi swng geizguk, angqhoh cietlauzdung gozci "haj it" daeujdaengz. Aen yienh neix giethab aen hozdung cauhaeb hawsingz vwnzmingz, youq ngoenzciet hung guh aen yizsi swng geizguk, caemhcai youq laj geizguk langhbaij gij cingzcik hwnjguh ginghci vwnzva dangdieg、gij cingzcik vut gungz gunggeng、vwnzva feihyiz daengj, sonyinx siminz ndiepgyaez guekcoj、caezsim bang rengz、gaenx guh baenz miz、vaiqdi vut gungz haenj siujganh.

(Dan Gaijhingh/谭凯兴)

Eu Fwengeq Mbanjcuengh Angqfaengfaeng



▲Bouxyienj yienj daemjrok.

Ndwen 5 ngoenz 1, ciet vwnzva "fwengeq Bouxlungz" Lozyez Yen bi 2019 youq Sinhva Cin Mbanjmozlij banh. Gyoengq vunzlai gak cuz gak yanghcin bonjyienh, si yienh henzgyawj caeuq Vangmoz Yen、Lozden Yen Gveicouh Swngj daengj dieg doxcomz henz Dahbuliuj, angq ciengq fwengeq, gwnz daiz laj daiz caez angq. "Fwengeq Bouxlungz" dwg gij yaem' wenq ndeidingq fwen gaeuqgeq lwgminz Bouxcuengh gizneix daihdaih cienzciengq de, daengz seizneix gaenq riuz 400 lai bi lo.

(Couh Wnhgwz/周恩革)

Yawjngonz Bozvuzgvanj Angqyangz Gvaq Ngoenzgyaj



▲ Siminz yawjngonz yiengh laeuzgyong、giuzbumz Duncuz.

Mboengq ngoenzgyaj "haj it", hauilai siminz Namzningz Si bae yawjngonz Gvangjsih Minzcuz Bozvuzgvanj daengj vwnzva cangzgvanj haicuengq mbouj au cienz haenx, yawjngonz caeuq roxyiuj gij vwnzva minzcuz lai cungj lai yiengh Gvangjsih, angqyangz gvaq ngoenzgyaj.

(Vangz Swhcang/王滋创)